





H. XIII. 8

Nova-Tacina. Liter. -

937.
1





Henrici Nicolai

1. Oratio de Protervia quadam Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.
Miscellaneorum
DECADIS III.
EXERCITATIO VI.

Ad. 30

De

LIBERALI-

TATE, Modestiâ, &
cognatis Virtutibus.

Practico-Philosophica.

*Pro disputationis exercitio ad sententiarum
collationem proposita*

In Gymnasio Gedanensi

PRÆSIDE

HENRICO NICOLAI

Phil: Professore Publico.

Respondentis partes expediente

JOHANNES PAULI,
Stolpenſi Pomerano.

Ad diem 6. Martij. S. N.

In Acroaterio Philosophico.

Horis ab 7. matutinis.

GEDANI. Typographo GEORGIO RHETIO ex-
scripta. ANNO 1638.

VIRIS

*Amplitudine & prudentiâ CONSVLTISSIMIS, Vir-
tute & eruditione EMINENTISSIMIS CLARIS-
SIMISQVE*

DN: JACOBO JANDEKEN, Reipub: Stolpenſis
Camerario digniſſimo.

DN: CASPARO MOLDENHOWERO, J.U.L:
Reipub. Schlaviensis Syndico meritiſſimo,

DN: HILARIO Hoppen / JURIS Advocato Spectatiſ-
ſimo, Judiciique Friedlandensis Aſſeſſori
primario.

DN: MICHAELI BEGGEROVIO, Reipub: Stol-
penſis Secretario, & Senatori graviſſimo.

DN: CHRISTIANO Wygleben / Scholæ Friedlan-
denſis Rectori perquam induſtrio.

Dnnnnn. Avunculo, Cognato, Suſceptor, & affini-
bus ſuis chariſſimis, fautoribus ac promotori-
bus ex pluribus certiſſimis,

Hoc practico-Philosophicum *γύμνασιον* ex more &
devoto affectu ſacratum eſſe cupit

JOHANNES PAULI, Reſpondens

Miscellaneorum

Decadis III. Exercitatio VI

De Liberalitate,
modestiâ, & cognatis virtutibus.

I.

IN apologis est, rusticum quendam ex malo sapidissima poma legensem hero urbico quadam donavisse, quâ pomorum illectus dulcedine malum in sua rura transtulit. Sed arbor veterrima repente exaruit, & poma pariter ac malus periêre. Argumentum fabula est, Qui nimium cupiunt, atque in concēssa sequuntur, Desipiunt: cohibet qui sua vota, sapit, ut illud reddidit Mantuanus in fab. Aes. p. 39. Vehemens cupiditatis agitatio humano animo residet: & ad aliena respicienti nunquā sua placent. Vbi plurima acceperit, injuria est loco, plura accipere potuisse. Alexandrum M. per Liberi Herculeq; vēstigia, & totum terrarum Orbem avara felixq; egit temeritas. Sed modum imperandi satietas non fecit. Vbi omnia occupasset, & in littore maris rubri staret, plus tamen cupienti deerat, quā quā venerat. Ad eō cupiditati semper, quod acquiratur, superesse videtur. Hic formandus utilibus praeceptis est animus, ut nec nimia desideret: nec absensibus nimis indoleat. Infigenda illa nobis sunt, eōq; meditatione perducenda, ut suā sponte occurrant salutaria, ac ubiq; desiderata praesto sint. Sine morā turpis honestiq; veniat distinctio, quā velut regulā opera vita componamus. Ad hanc, ut legem, cuncta & agamus, & exigamus. Non ir-

ritemus cupiditates, quarum tutissima est quies: Sed nostris contenti non desideremus cum illis esse, qui in quantacumq; refulgeant copiâ, nihil firmi habentes, semper in ulteriora propensi sunt. Eò nos manuducet liberalitas cum vicinis virtutibus, sedulitate, sufficientiâ, parsimoniâ, magnificentiâ, quæ modum opibus appetendis ponunt: & modestiâ, quæ honoribus. Earum naturas, ut hac disceptatione lustremus, ordinis poscit consequentia.

2. Virtus moralis directâ in agente & subjecto proprio imprimis terminata, hætenus discussa fuit, temperantia & fortitudo: Sequitur, quæ circa alios cum primis terminatur. Idq; vel in sumptibus regendis, qui vel mediocres sunt, circa quos liberalitas cum cognatis virtutibus, ut sufficientia & parsimonia, &c. versatur: vel magni, circa quos magnificentia: Vel in honoribus. Qui iterum vel exigui, circa quos modestia; vel eximij, circa quos magnanimitas occupatur. De singulis hac exercitatione agendum.

3. Liberalitas spectatur quâ nomen & rem. Quâ nomen. I. homonymicè. Sic interdum notat quamcumq; bonarum communicationem, etiam sine modo & ratione factam, quomodo & prodigi liberales dicuntur: interdum bonitatem aliquam ac libertatem servituti & dejectioni animi oppositam. Sic Terent. Adelp. a. I. sc. I. liberalitate liberos retinere satius esse credo, quàm metu. Sic liberale responsum, quod benignum & libero animo profectum est; Liberalis animus, minimè servus aut abjectus; interdum generaliter quamvis beneficentiam & benignitatem, ut cum de jure conceditur, & pœna remittitur. Sic clementiam & mansuetudinem complectitur, quâ de suo jure cedunt, & sic alteri benignè faciunt. Quo de significato differentem V. Crellius con: Grotium c. 2. n. 31. & c. 6. n. 17. & 37. Fbi ex Cicerone & Manutio liberali-

ralitatem interdum clementiam completi ostendit: quandoq;
omnem virtutem in pecuniâ erogandâ vel accipiendâ occupa-
tam, vel officia promptè communicantem, sic magnificentiâ
& officiositatem completitur: interdum specialiter virtu-
tem in pecuniâ moderatâ occupatam, Ita illis contradistingui-
tur. Sic hic sumitur. 2. Etymologicè, quomodo Logicè ali-
unde non derivatur, quippe vox ultimâ abstracta: Gramma-
ticè vel à subjecto dicitur, libero homine, quòd eo maximè sit
digna: quomodo Romani artes in liberales, quas liberis de-
mandabant, & illiberales dividebant, quas servis: vel ab ef-
fecto, liberando, quòd liberalis beneficium suis alios è neces-
sitate liberet: vel à formâ modoq; utendi, quòd liberè alteri
subveniat, non ex debito strictè dicto, quomodo justitia alteri
suum tribuit. V. d. 4. t. 9. 3. Synonymicè, quâ dicitur &
benignitas, beneficentia, munificentia. Interdum largitas.
Terent. adelph. a. 5. s. 9. Quod prolubium? quâ isthac subi-
ta est largitas? Largitio. Cæsar. l. i. bel. Civil. c. 39. Cæsar
pignore animos Centuriorum devinxit, & largitione militum
voluntates redemit. Gracè ἐλευθεριότης. Hebr. כֶּדֶב אֶל כֶּדֶב,
spontè dare, munificum esse. Germ. freygebigkeit / mildig-
keit / gütigkeit.

4. Quâ rem absolutè & respectivè spectetur. Absolu-
tè quâ definitionem, divisionem, subjectum, & affectiones.

5. Definitio sit: Liberalitas est virtus moralis dire-
cta, mediocritatem prudentiæ servare faciens circa opes
moderatas & privatas largiendas & accipiendas.

6. Genus est virtus moralis directa. Hujus natura ex
d. 3. t. 17. patet. Differentia partim à formali ratione versan-
di in liberalitate, partim ab objecto, circa quod versatur, est
posita. Ex formali ratione versandi dicitur mediocritatem
prudentiæ servare faciens circa largiendum & accipiendum.

Formalis ratio est officium illud, quo liberalis, in quantum formaliter talis est, se circa objectum suum competenter tenere debet. Hoc dicitur esse 1. mediocritatem prudentiæ servare facere. Mediocritas prudentiæ quid sit, ex d. 3. t. 8. 14. patet: servare facere ex d. 5. t. 6. 2. officium hoc liberalitatis modum servare facit, & in largiendo seu dando, & in accipiendo s. sumendo. In largiendo persona dantis animo sit prompta; munere considerata, circumstantiis circumspecta, intentione honesta. Animo prompta, ne cum tadio, torpore, molestiâ, indignatione aut obreftatione donet. Ut partim scriptura requirit, Syrac. 35. v. 11. 12. 2. Cor. 9. v. 7. & exemplo vidua pauperula docet. Luc. 21. v. 2. 3. partim recta ratio dicit: habitus enim omnis faciliat operationem: & signum acquisiti habitus est, promptè operari posse. Unde dicitur: Liberalitatem non astimandam doni magnitudine, sed donantis promptitudine; Et bis dat, qui citò dat, nil dat, qui munera tardat: partim oppositi ratio suadet, qui enim invitè dat, non dare censetur. Beneficium n. ab invito profectum instar panis lapidosi est, quem esuriens accipere quidem cogitur, sed edere molestum experitur, dicente Seneca l. 2. d. benef. c. 7. Hinc liberalis etiam non rogatus largitur, & petitionem egentis pravenit, velut sol non expectat preces, ut oriatur, sed ultrò splendet, & ab omnib. salutatur. Epictetus in sent. Sic Arcesilaus Apellem Chium invifens cum egentem videret, clam cervicali 10. drachmas supposuit. Erasmi. l. 6. Apoph. §. 30. Senec. c. l. c. 10. Munere considerata, ut & ad facultatem suam respectum habeat, ne plus donet, quàm habeat, & alij sit relaxatio, sibi ipsi afflictio, contra Tob. 4. v. 8. 9. 2. Cor. 8. v. 3. spectandus enim est fundus liberalitatis, ne nimis sera in illo sit parsimonia; Senec. ep: 1: aut prodigus incipiat esse, non liberalis, & contra re-

Etiam rationē agat, quæ charitatem à seipsâ incipere dicat: Aut si largissima donet, magnificus evadat, non liberalis tantum maneat: Et accipientis necessitatem, ut pro indigentia ejus ei succurratur. Ita multum egenti plus dandum, parum minus egenti. V. Syrac. 12. v. 1. 4. c. 14. v. 13. 14. Prov. 14. v. 31. & ad objecti, quod largiur, qualitatem, ut illud accipienti profit, non obsit: nam munus damnosum non munus, sed onus est, ut cum plus vini ebrioso suggeris ad injurgitandum, plus pecunie profuso ad prodigendum: & sit bonum proprium, non alienum: nam liberalis de alieno est bonorum, à justis possessoribus ad alios translator, non veri beneficii oblator; ut Sylla, qui Mario devicto militibus regia donaria de alieno dabat. Salust. in Catil. c. 3. Cicero 1. officior. §. 43. Et Papa alijs terras donat, quas ipse non possidet. Quem aut factum oportere esse Rex Peru Attabaliba dicebat, qui largiretur, quæ non haberet: aut impium & injustum, qui justis possessoribus sua erepta alienis addiceret. Benzo l. 3. hist. no. Orb. c. 3. Sive illud bonum proprium sit acquisitione laboris propria, ubi liberalitas tenuior minusq; prompta esse solet, quia proprio sudore parata cariora esse, attentius custodiri, & tenacius asservari solent. Quomodo quisq; Poëta suum pœma, quisq; amator suam amatam maximè deperit. V. Ciceron. l. 14. ad Attic. Aristot. 9. Nicom. c. 6. Sive hereditaria aut aliâ justâ acceptione, ubi major communicatio est, quia aliunde acceptorum non tam tenax est memoria, ac proprio sudore comparatorum: nec adeò indigentiam esse experti videntur, achi: V. Arist. l. 4. Nicom. c. 2. Et insuper sit honestum, non inhonestum: nam liberalitas ministrare justitia debet, non contrariari, non n. virtus virtutem evertit, sed perficit: & inhonesti dator non beneficio splendet, sed vitio sordet. Ut Gnostici etiam uxorem ad stuprum postulanti dandam cense-

bant, *abusi dicto*. Luc. 6. v. 30. *Conf.* Ciceron. c. 1. §. 42. seq. Et honesto modo acquisitum, *non inhonesto*. Vnde de inhonestè acquisitus negant propriè & moraliter liberalitatè exerceri posse Ethici. Quomodo fœneratores, lenones, dardanarij manticularij, aleatores, pirata; & interdum Carnifices similesq; acquirunt. Eleemosyna inde porrigi possunt, ex scripturâ. Dan. 4. v. 24. Luc. 11. v. 41. Sed illarum finis magis super moralis est, & virtutibus Theologicis propior, quàm moralibus. Circumstantijs circumspecta, ut locus, tempus, persona, coram quibus detur, probè advertantur. Locus, ne aut danti ignominia, aut accipienti pudori sit. Sic cum datur loco inconveniente, ut publico, ut videaris, tibi est ostentatio, accipienti pudor. V. Matt. 6. v. 2. Tempus, ut justo tempore des, citò, & absq; procrastinatione. Om. n. benignitas properat, & tarde velle nolentis est, ut Seneca l. 2. de benef. c. 1. ait. *Conf.* Prov. 3. v. 28. Hinc illud Poëta: Gratia quæ tarda est, ingrata est gratia, namq; quæ fieri properat gratia, grata magis. Si benè quid facias, facias citò, nam citò factum Gratum erit, ingratum gratia tarda facit. Personæ, coram quibus, ne coram illis detur, qui accipienti opprobrent, aut danti insultent. Sic n. beneficium ingratum evadit: Et quib. datur, *Vi illos deceat, non dedebeat*. Sic Alexander urbem alicui donavit. Recusanti muneri invidiam & suæ fortune non conveniens, non quid te deceat accipere, sed quid me dare, respondit. Regia vox videtur, cum sit stultissima: Quia persona, cui datum, respectus non observatus. Senec. l. 2. d. benef. c. 16. Intentione honesta, ut solius honestatis gratiâ datio exerceatur. Virtus n. sub formali honestatis exerceri debet. d. 2. c. 14. Vnde si ob spem lucri, amorem gloria, laudis, honoris, metum damni & importunitatis inpetente, aut nominis avari effugium, voluntatem inhonestam, datio fiat, non est vera liberalitas. Sic

Pharisei. Matt. 6. v. 12. Tib. Gracchus ob honores, Tiberius Caesar ob inhonestas potationes ingentia donaria largiebantur. Liberalis officia complectitur Ouenus l. 3. ep. 184. Vir justus dat cuique suum, sed te dare oportet divitibusq; suum, pauperibusque tuum.

7. *In accipiendo spectandus est vel à liberali accipiens, vel ipse liberalis ab alio sumens. Ille primario, hic secundario. In illo requiritur, Ut sit egenus, dignus, honestus, & alius à nobis ipsis. Egenus, non n. splendor a. dignitas recipientis, sed necessitas in erogando respicienda V. Syrac. 29. v. 12. Vnde qui nec are, nec ope nostrâ indiget, ei non tenemur benefacere. Dignus, ut mereatur sibi benefieri: nam indigni supplicia merentur, non beneficia: sed qui digno dedit, dando beneficium recipit. Seneca. Sunt a. digni vel Ecclesiastici, ut Ecclesiam & Scholas attinentes: His erogandum jussu Dei. Sic in V. T. semicyclus sacer, primitia, decima, munera cum mandata, tum votiva Ecclesiasticis ordinata erant. Num. 18. v. 21. Deut. 26. v. 12. In N. T. jussum est, ut altari servientes de eo vivant. I. Cor. 9. v. 9. 13. 14. Vel Politici, qui patria & Reip. in civilibus officijs inserviunt. Hic etiam conferendum ad defensionem judiciorum, legum, disciplina constitutionem, & executionem. Vnde nec tributa necessaria & moderata, nec capitationes, jugationes, aut adarationes, ubi opus, sunt detrectanda, cum civis sua civitati ut communi patria debeat, & incommodum sentire aequum sit eum, qui sentiat commodum: si in superamici nobis sint, magis juvandi, sed usq; ad aras; V. d. 10. t. 13. Cum omnia amicorum sint communia, quæ sc. suâ naturâ sunt communicabilia: V. c. l. t. 18. vel Oeconomici, ubi parentum, liberorum, cognatorum, habenda ratio. I. Tim. 5. v. 8. Hoc n. jus natura & storge naturalis postulat, quam suppressit, quisquis sanguine junctis opem denegat.*

Ho-

Honestus, ne improbus, Reip. noxius & contumax sit, de ejus emendatione spes non sit. Vitia n. non alenda, sed extirpanda sunt. Ita validis mendicantibus, agyrtis, erronibus, otiosis, non dandum: succurritur n. malitia, & participamus improbitate illorum, si illos incitamus. Vnde & in Politicis negatur tales in bonâ Repub. ferendos esse. V. Camerar. C.1.c.16.17.C. 2. c.34.75. Conf. & Novell. 8. d. quæst. tit. 9. c.5. Excipiuntur tamen improbi, si sint summè egeni, & spes emendandi aliqua subsit. Vbi illud Aristotelis valebit: ἐν ἀνθρώποις, ἀλλ' ἀνθρώποισι, non homini, sed humanitati datum, cum improbo dedisset. Alius à nobis ipsis, quia liberalitas est virtus communicativa, quæ aliis communicat, non sibi ipsi. Communicatio propriè fit alijs, impropiè sibi ipsi. Prodesse nobis possumus, liberales esse tantùm in alios. Sic misericordes, clementes, comes in alios sumus, non nos ipsos. V. Senec. l.5. d. benef. c.9.

8. In ipso liberali ab alio accipiente spectetur & acceptio, & conservatio. Acceptio sit prudens, moderata, & necessitate inducta. Prudens, ut sumat ab illis, qui dare possunt & volunt, non à quovis promiscuè. Nec precax in poscendo erit. Moderata, ut sumat, quantum opus est, non nimium: nec sibi divitias acquirat, alteri inopias: modo competente, non artibus illicitis opes quærat; nec rem propriam negligat, ut ipse aliquando liberalis esse queat. Juxta illud: Bonus servatius facit bonum Bonifacium. Necessitate inducta, ut non sumat ab alio, nisi necessitate eò adigatur. Liberalitas n. magis consistit in dando, quàm accipiendo: unde χερσὶν & opes ab utendo dicuntur & opitulando; & plus difficultatis, virtutis, laudis, ac felicitatis habet, dare, juxta Act.12.v. 35. Et ita virtuti vicinior est. Quomodo Ptolomeus Lagi f. Aegypti R. magis regium dicebat ditare, quàm ditescere. Erasim.

1. apop. in Prol. §. 1. *Conf. Senec. 1. d. benef. c. 4. Sic Alexander M. gloriabatur, à nullo se beneficijs victum. Idem c. 1. c. 6. Pulchrè in hunc sensum Boëthius 1. 2. prof. 5. Omnes divitiæ effundendo, quàm coacervando, melius nitentur: & tùm est pretiosa pecunia, cum translata in alios largiendi usu desinit possideri. Hinc duo de liberali Ethicè & moraliter dici solent. 1. Rarò eum ditescere: quia magis propendet ad dandum, quàm accipiendum. Vbi tamen Dei benedictio, Prov. 10. v. 22. & prudens dispensatio excipienda, si cum Bonifacio prudens sit conjunctus Servatius. 2. Magis amare eum suos beneficiarios, quàm ab illis ametur. Cujus ratio & beneficiarij dependentia à benefactore, & major honesti, quàm utilis duratio, & laboriosior dandi, quàm accipiendi acquisitio esse potest. Beneficiarius velut effectum & opus beneficientis est, & sic ab ipso dependet. Efficiens a. magis amat opus suum, quàm amatur ab opere. Sic Poëta sua cum primis amant poemata, parentes liberos, quia effecta: artifices opera sua longè impensius amant, quàm ab operibus amarentur, si amare illa possent. V. c. 6. Et benefactor dando fit honestus, beneficiarius accipiendo saltem juvatus. Plus autem amatur ingenuo honestas, quàm utilitas. V. 9. Nicom. c. 7. Honestas n. ex facto manet, utilitas vel jucunditas, quam percepit beneficiarius, transit. Laboriosius etiam & difficilius est benefacere, quàm bonum accipere. Quæ a. difficiolora, cariora esse solent, Quia non ita facile acquiruntur. Conservatio acceptorum in liberali sit prudens & moderata. Prudens, ne temerè perdatür aliquid, cum honestius retinetur. Moderata, ne iusto rigidius conservatio exerceatur, nihil alteri communicetur. Reciproca enim accipiendi & benefaciendi est vicissitudo: Et ut pauper ab alio stipem liberaliter impetrare potest. Ita alij de illa liberaliter erogare potest. Semper n. magis in virtute hac spectatur datio, quàm*

acceptio. Nec minus est vitij, egenti negare, cum habeas, achabenti tollere, quod relinquere debeas, ut Ambrosius serm. 81. loquitur.

9. Ab objecto, circa quod liberalitas versatur, dicitur medium servare circa opes moderatas. Objectum liberalitatis vel internum est, quod in ipsa liberali haeret, estq. cupiditas opum & sumptuum mediocrium, cujus moderatrix est liberalitas: vel externum, quod extra liberalem est, hoc est sumptus mediocri, & quod huic equipollet. Sumptus nomine intelligitur omnis possessio, cujus aestimatio numma mensuratur ex hominum instituto: ut supellex, libra, vestimenta, lintea, agri, domus, &c. Nummus est mensura rerum aestimandarum ex hominum instituto & communi consensu vim commutandi obtinens. Et plerumq. ex auro, argento, aut cupro, esse solet. Dicitur vim commutandi ex hominum consensu obtinere, quia ex naturâ sui, materiâ, aut essentiâ id non habet, cum per aliud pretium, si homines velint, commutationes rerum peragere queant. Quomodo quibudam merces pro mercibus permutantur. V. Plinium l. 33. c. 3. Americani aurum argentumq. Hispani pro rebus ludicris, ut cultellis, aciculis, specillis, pupis, permutarunt: In Mexico Cacao fructu, In Peru Cocâ folio quodam in permutationib. utuntur. A costa. l. 4. rer. Ind. c. 3. & in necessitate nummus ex corio, stanno, papyro, pretium mediumq. commutationis statuitur, ut in Politicis pluribus dici solet. Conf. Hornei. l. 3. Eth. c. 13. n. 29. De hoc objecto nata 1. Sumptus mediocres verum sunt objectum liberalitatis. Quod patet partim à denominatione liberalitatis, quia à sumptibus formaliter & actus & homo liberalis dicitur. Non n. dicitur liberalis, qui circa cibum vel potum, res bellicas, sermonem, aut mores comes, honores, contractus rerum, vel simile quid versatur: sed qui circa pecuniarum mediocrium erogationes
aut

aut acceptiones. Vnde a. formaliter liberale aliquid dicitur, id proprium liberalitatis objectum est: partim ab oppositis ejus, quia opposita liberalitatis, prodigalitas & avaritia, ab injusto actu pecuniarum dicuntur, & sic objecta earum pecunia sunt. Ita contraria istis vitiis virtutes verum objectum pecunia & sumptus erunt. Habitus n. & privatio sunt circa idem, & medium ac extrema circa eadem objecta versantur. At hac liberalitas est. 2. Opes, sumptus, divitiæ per se sumendo, moraliter non sunt mala & inhonesta, sed indifferentes & abstracta à bono a. malo morali: fiunt bona honesto usu possidentis, mala inhonesta. Sunt n. objectum virtutis alicujus moralis. At talia per se & suam naturam non sunt inhonesta. Sic cibis & potus per se non inhonestus, sed objectum virtutis, temperantia. Ex vetustioribus Hieronymus omnem divitem a. iniquum aut iniqui heredem facit. Pelagius ap. Augustin: ep. 107. Ex Neoterico Photiniani, ut Smalc. d. div. Chr. c. 5. & dis. 7. c. Frant. c. 142. 143. Ostorodus c. 31. inst. & Anabaptistæ ap. Pontan. c. 1. p. 1. Cat. hæc: divitias in Christiano improbant, & avaritiam ex nimia possessione opum, non cupiditate, describunt. Hi etiam honorum communionem introducunt cum Platonicis. Falsò & contra scripturam. Ps. 112. v. 3. Prov. 10. v. 22. Posterior sententia & Theologicè, Prov. 5. v. 17. & Ethicè, ut qua liberalitatem moralem tollit, & Politicè, qua studium attentè defendendi publica subvertit, est improbanda ac noxia, ut alibi fusiùs docetur. Papistarum quidam etiam divitijs sunt iniquiores, & pro voluntariâ paupertate persuadenda multi sunt. V. Bellar. l. 2. d. Mona. c. 20. Falsum & hoc. Nusquam scriptura divitias ordinariè & proprio ausu deferendas, sed rectè dispensandas præcipit. Prov. 5. v. 16. Tob. 4. v. 7. 1. Tim. 6. v. 18. Conf. Ames. l. 5. Cas. Consc. c. 17. Stoici negarunt, ex opibus & divitijs hominem dicen-

dum divitem, cum animus hominū dives appelletur, non arca. Vid. Ciceron. parad. 6. Sed hic usitatus Stoicis vocum abusus occurrit. Sufficiens propriè, & largus ac liberalis ab animo virtuoso homo dicitur: dives à possessionibus & pecunijs. 3. Objectum liberalitatis, si vox largè sumatur pro virtute vel opes vel officia communicante, quomodo sumi t. 3. dictum, extendi potest etiam ad communicationem officiorum, quomodo sub liberalitate officiositatem & munificentiam comprehendere solent. V. Timpl. l. 3. Eth. c. 9. q. 4. Ita Ambrosius 1. d. offic. Seneca l. 1. de benef. c. 2. Cicero l. 8. & 2. off. aut operâ, aut pecuniâ, aut subsidio rei, aut operis collatione, liberalitatem impendi dicunt: Ut tamen presius sumitur, prout usus hodiè sumi fert, ita liberalitas in opibus, officiositas in officiis esse dicitur, & cognatum aliquod liberalitatis status potest. v. t. 13. Ita objectum liberalitatis adequatum opes & sumptus manebunt.

10. Fuit definitio liberalitatis, & ex eâ objectum: sequitur divisio. Ea vel q. in species, vel gradus. Ex speciebus analogicis liberalitas vel est sacra, vel civilis. Sacra, quæ sacri finis ergò exercetur. Hac primò huc non pertinet, sed ad Theologiam, ubi in doctrinâ de eleemosynis tractari solet. Civilis est, quæ civiliter & pro fine civili exercetur, & t. 5. definita. Hac sumptuaria vel tractatoria esse potest. Sumptuaria, quæ sumptus & munera erogat. Tractatoria, quæ convivis & hospitibus. Dicitur & hospitalitas. De sumptuariâ t. 5. 6. actum. Hospitalitas est liberalitas peregrinos & hospites benevolè complectens, & officiis hospitalibus prosequens. Dicitur ab hospite, qui hic quisvis extraneus à domo est, ut advena à civitate. Frequenter jubetur in sacris, utilisq. est ad societatem humanam servandam, cum domum hospitiumq. nemo secum ferre queat: amicitias exterorum concili-

andas, quæ interdum necessaria esse possunt: & varia virtutum genera exercenda, ut officiositatē, humanitatē, comitatē, justitiam &c. Exempla ejus ap. Zuingerum vol. 14. l. 2. Vide. Officia ejus sunt comis exceptio, liberalis tractatio verbis, operibus & rebus exhibita, & amica dimissio, ne in tempestivè detineatur hospes, aut manere volens inhumanè expellatur. Opposita ejus sunt, excessus & πολυζημία, nimia hospitum exceptio, etiam improborum, notoriè sceleratorum; nimia in ipsos profusio, ut ipsi carcamus: & defectus, ἀξενία, inhospitalitas, negatio hospitiorum, ubi necessaria & honesta sunt, aut receptorum inhumana tractatio. An Jahel Sisleram hospitalem occidens contra leges hospitii egerit, Jud. 4. hic quaeri solet? Negari solet, quia & objectum interfectum erat hostis publicus & bannitus Dei per Deborah proscriptus. Jud. 4. v. 7. & interficiens divino motu incitata fuit, quod & ē pradi-
ctio, v. 9. & consequente divinā approbatione c. 5. v. 24. patet. Conf. Martyrem in c. 4. Jud. & class. 2. L. C. loc. 12. §. 10. Veltanium dec. 7. Eth. q. 10. aliosq.

II. Ex gradibus liberalitas vel vulgaris vel singularis esse potest. Vulgaris c. 5. 6. tractata. Singularis est, quæ usitatum gradum transcendit. Dicitur Magnificencia, quæ est liberalitas sublimior, in magnitudine sumptuum decorum servans publicæ honestatis gratiā. An specie, an gradu differat à liberalitate, statim hic quaeritur? Quidam specie differre volunt. Arnisaus l. 2. Polit. c. 5. Guckius d. 7. Eth. q. 1. Elerus d. 3. Eth. c. 11. Evenius d. 8. Eth. th. 1. n. 5. Acciaolus l. 4. Eth. c. 2. alijsq. 1. Quod objectis formalibus Ethicè differant. Liberalitas circa sumptus mediocres & privatos versetur, quibus sufficiat persona privata; magnificentia circa ingentes & publicos, quibus potissimum publica requiratur. Publicum autem & privatum Ethicam formale mutant,

et si magnum & parvum gradus tantum diversificent, in quibus hic magis materiale Ethicum est, quam formale. Sic modestia & magnanimitas Ethicè specie differunt ratione publici & privati honoris, quomodo in quosvis homines non cadunt; et si ratione majoris aut mediocrius honoris tantum gradibus differant. 2. Quod habeant extrema diversa, magnificentia sordiditatem & luxum, liberalitas avaritiam & prodigalitatem. 3. Quod fines diversos habeant. Liberalis, ut pro sit dignis & egenis, & ad honestatem cuncta referat; magnificus, ut & erga seipsum splendide se gerat, extruendo magnifica aedificia; & publicum finem potissimum intendat, ut publicum splendorem ac majestatem Reipublica defendat. 4. Quod diversa subiecta requirant. Liberalis etiam privatus, pauper, & miser esse potest. Magnificus publica persona, splendida, & ample fortuna, generis, ac conditionis est. Pauper nequit esse magnificus, c. 12. Et liberalis in seipsum nemo esse potest, c. 7. At magnificus etiam in sese aliquis esse potest, c. 12. 5. Quod diversos versandi modos habeant. Liberalis vulgari modo agit: magnificus singulari pompâ & splendore. Liberalis in dando & accipiendo est occupatus: Magnificus in sumptibus faciendis tantum. Alij gradibus differre volunt. Piccolomin. gr. 4. c. 29. 49. Alsted. Eth. 3. c. 16. §. 8. Timpler. c. 1. q. 24. Kerkerm. l. 2. Eth. c. 6. Casus l. 4. spe mor. c. 1. 2. Ursinus d. 10. qu. ill. qu. Eth. Hornejus l. 3. Eth. c. 7. n. 6. Bartholin. l. 2. Eth. c. 6. Et huc inclinat Aristot. 4. Nicom. c. 4. ubi magnitudine liberalitatem excedere magnificentiam, & magnificum continuò liberalem esse oportere ait. Unde per conjugata sequitur, E. magnificentia omninò est liberalitas, & sic non totâ specie ab illâ differt. Nam in his non licet ab uno ad aliud affirmatè concludere. Sic non dices: Liberalitas est modestia, vel liberalis est modestus: albedo est vitæ, vel albus est

est viridis. Quamquam Timpleus c. 1. oppositam ei sententiam tribuit. Probatur hoc 1. Quia utriusq. idem obiectum & materiale, sumptus, & formale, prudenter ad mediocritatem virtuosam dispensandus. Vtriusq. modum largitioni statuit, observat in dando circumstantias, promptè, citò, largiter dat, potius in dando, quàm accipiendo occupatur. Publicum & privatum modum obiecti saltem variat, non speciem, & ita specificum discrimen nondum facit. Sic non specie differt iustitia publica, qua in publico obiecto occupatur, à privata, qua in privato. 2. Quia sine convenient, honestate morali. Esi is aliquid adjunctum habeat in magnificentia, quod non in liberalitate. Modale hinc discrimen, non statim specificum. Liberalis prodest: Magnificus prodest splendide, vel sibi vel alijs. Prodesse in utraq. virtute est: modus diversus. Pro conciliatione nota: 1. Specie differre vel sumitur strictè, pro formis disparatis aut oppositis differre, ut homo, asinus, leo, albedo, nigredo: Ita hic non specie differunt. Talia enim sibi non subordinantur, quomodo magnificentia subordinatur liberalitati, ut omnis magnificus necessario sit liberalis, etsi non contrà, ut ante ex Arist: visum: Et talia totis obiectis differunt, ut temperantia & fortitudo, cum liberalitas & magnificentia ijs convenient: Nec de se affirmatè predicantur, ut albus est niger, quomodo de magnifico liberalis predicatur: vel latè, pro diversis agendi modis & obiectis specialiter modificatis differre, ut alius obiecti modus sit in unâ virtute, alius in alterâ: Ita per analogiam specie differre possunt: Ita & diversus finis modus in utraq. est. 2. Extrema in utraq. virtute realiter sunt eadem, modaliter diversa. Sordities etiam est avaritia quadam, sed in publico & splendido sumptu, sicut avaritia in privato & mediocri. Et luxus est prodigalitas, sed in sumptu magno & publicè adhibendo exercitiis, sicut in privato simplici-

ter prodigalitas dicitur. 3. Subjecti varietas accidentale & modale discrimen facit, non essenziale. Sic visus bovis & leonis non differunt specie, etsi subjecta specie diversa. Sic esse in splendido aut publico, privato aut misero, splendidiorum & depressiore, maiorem aut minorem, privatam aut publicam virtutem facit: prorsus aliam virtutis speciem non facit. Sic quod pauper nequeat esse magnificus, sed liberalis, aliquod discrimen infert, & plura magnificentie requisita, quam liberalitatis esse, evincit. Essentiale tamen hinc non est discrimen. Sic modestus, in quantum talis, nequit esse magnanimus, non tamen specie tota illa inde differunt. Plura in discursu.

12. Subjectum ejus est persona publica, honesta, splendida, fortunata & conditione ampla ac dives, ut magnos sumptus impendere possit. Vnde pauper nequit esse magnificus, c. II. Etsi affectu esse posse quidam ajunt. Timpl. c. I. q. 25. Sed affectus ad virtutem non sufficit, sed habitus, & ex illo actus, qui in paupere esse nequit. Vnde rectius negatur magnificus esse posse cum Alsted. Eth. I. c. 18. q. 8. Et homo inhonestus, aut qui inhonestè bona corrasit, etsi ampla largiatur, magnificus non est. Vt latro de pradis, meretricula de donarijs suis largior profundens. Objectum est & sumptus ingens: & opus sumptuosum, quod magnos sumptus requirit, & personæ fastigio sumptuumq; magnitudini respondet, ut nemo eodem sumptu magnificentijs parare possit. Tale opus vel publicum est, quod in publicum commodum erigitur: idq; vel Ecclesiasticum, ut templum, ita Salomonis I. Reg. 6. Constantini ap. Nicephorum I. 7. c. 49. Gymnasium, Collegium, &c. Huc & stipendia publica lautiora in studiorum usum destinata pertinent: vel politicum, ut adificia splendida, Curia, æraria, armamentaria. Sic Augustus marmoream Romam post latericiam reliquit, Suet. Aug. §. 28. Vel privatum, quod in ipsius

Magnifici aut suorum usus paratur; ut splendida domus, nuptia, convivium, familia, servitus, vestis, &c. Opposita ejus sunt partim excessus, luxus, qui est prodigalitas sumptus magnos nimium profundens. Peccat vel ratione modi, cum impenduntur non decorè: Ut cum Nero reti aurato, funibus purpurâ coccoq. nexis piscabatur, mulos argenteis soleis habebat. Sueton. Ner. §. 30. aut cum aedificia nimis sumptuosa struuntur. Ut idem ap. Suet. c. l. §. 31. & Caligula apud eundem in Calig. §. 37. vel ratione objecti, cum in objectum indignum impenduntur. Sic Caligula in histriones, gladiatores intra annum 666. auri tonnas profudit. Sveton. Cal. §. 37. Helio-gabalus in canas duos miliones & ultra interdum insumpsit. Lamprid. in Heliog. Nero in citharædos & foeneratores ingentia prodegit. Suet. c. l. Pratoriano militi 250000. Philippicos dari iussit. Et visâ summâ negavit Principi convenire, ac duplicari iussit. Dio l. 61. Vel ratione finis, cum solius ostentationis gratiâ insumuntur. Ita pyramides ab Regibus Aegyptijs structæ, & muri Babylonis à Semiramide vel Belo conditi. Curt. l. 5. c. 1. partim defectus, sordities, quæ est avaritia in res magnas minimum egerens, aut turpium lucrum captans. Ita Fl. Vespasianus ex urinâ veltigal sumpsit, & negotiationes privatas etiam pudendas exercuit. Sueton. Flau. c. 16. 23. Pescenninus Niger Palæstinus rogantibus, ut censio levaretur, quod regio gravata esset, respondit: Ego & aërem vestrum, si fieri posset, censere cuperem. Fras. l. 6. apoph. Amurathes 3. Turca flores horti divendi & pecuniam in ararium ferri iussit, nulli debitorum dissolvit, congiaria militi rara aut nulla distribuit. Soranz. in Ottoman. c. 47. Machiavellus sorditiem principi ut utilem commendat. Falsò, & contra principis naturam, ac interdum ingenti cum damno, ut deducit AntiMach. l. 3. t. 26. Pejora sunt hac vitia, quàm

vitia liberalitati opposita, quia partim in publicum peccant, & perniciem Reip. inferunt: partim conspectiora sunt, & iudicijs subiectiora, Cum vitium tanto conspectius, quanto maior peccans est.

13. Ita absolutè liberalitas visa: Respectivè cum cognatis & oppositis virtutibus spectetur. Cognatæ ei virtutes sunt, quæ aut modo agendi, aut medio ad illam exerendam ministrando conveniunt. Modo agendi benignitas, medio ministrando sedulitas, sufficientia, & parsimonia convenit. Benignitas est virtus moralis directâ, movens ad beneficiendum cuilibet, malefaciendum nemini. Dicitur & officiositas: facitq̃, ut prudenter officia nostra offeramus, & jucundè exhibeamus. Differt à liberalitate, quòd hac in opum erogatione, illa in officiorum exhibitione consistat. Est vel spontanea, cum non roganti officium offerimus, ubi cavendum, ne intempestivè fiat: Sic enim officium ultrò oblatum minùs est gratum, Angebothen dienst stinckt/ ut Germani ajunt: vel efflagitata, ubi obsequium sit hilare & celere, juxta Syrac. 10. v. 29. Secus enim officia invitè præstita etiam sunt ingrata: Vel compensans, cum moram officij magnitudine compensamus. De hac virtute rectè Seneca d. tran. an. c. 11. Vir sapiens corpus suum, oculos, seipsum, inter precaria numerat, vultq̃ commodatus sibi, & reposcentibus sine tristitiâ redditurus. Opposita ejus sunt vel excessus, nimia & promiscua officiorum projectio: Vel defectus, inhumanitas; malevolentia, inofficiositas, maleficientia, quæ nulli prodest, alijs obest, impediendo, conturbando, destruendo; quod ipsissima arum furiarum est proprium, & comitem trahit invidiam, de bonis alienis tristitiâ, quæ est Logica Diaboli, quâ committitur paralogismus comparatorum. Eam graphicè depingit Virgilius in *carm.* quodam, & Ovidius 2, *Metam.* Sedulitas est virtus

moralis directā, movens ad faciendā officia propria, & acquirendum aliquid, undē prudenter alij benefaciamus. *Dicitur & diligentia, gnavitas, satagentia. Facit alacriter opus suscipere, animosē continuare, & feliciter finire. Cogitandum hic: Hoc age: & Spartam nactus es, quam orna. Oppositum ejus est Vel excessivum, nimia satagentia, curiositas, polypragmosyne, quā alienis nasus ingeritur, omisiss proprijs: vitium hoc seculo frequentissimum, sed scelestissimū, & quod capitis diminutionem importare solet, ut in Funccio: Vel defectivum, torpor, ignavia, desidia, neglectus officij proprij, & otij affectatio. De hoc V. Senecam ep. 94. Sufficiens est virtus moralis directā, desiderium opum moderans, & sui status contentationem inducens. Dicitur & autarketa, contentatio. Facit, ut opes admittamus in domum, non animum: & acquiramus illas, non corrādāmus; ut acquisitas prudenter erogare queamus, non obserare. Cogitandum hic: Victus & amictus sunt divitiæ Christianorum. Et illud Aulici: Cum dat oluscula mensa minuscula pace quietā: Ne pete grandia, lautag, prandia Lite repleta. Dur. d. Pasc. Aul. Pol. §. 3. Oppositum ejus est & excessus, sollicitudo Ethnica & immodica opes corrādendi cupido, quā cogitatur: Peregrina vacca semper uber gerit dissentius: Et defectus, fastidium bonorum aut simulatus contemptus. Necessaria rebus humanis virtus est, quia tenax alienorum affectus, c. 1. Cujus rationes Keckerm. l. 2. Eth. c. 3. promittit. Plura de eā ap. Amesium l. 5. cas. Conf. c. 57. & l. 2. med. c. 22. librum, cui nomen, Landstörger/ c. 33. aliosq, vide. Parsimonia est virtus moralis directā, providē acquisita custodire faciens, ut utiliter expendi queant. Dicitur parcitas & parsimonia à parcendo. Docet & condere opes, ne egeamus: & non nimis recondere, ne sordescamus. Ita est velut promus &*

conditio facultatum, basis liberalitatis, sine qua nec exerceri
hac, nec diurnare potest. Exempla ejus ap. Melandrum T. I.
Jacos. c. 311. seq. Olorinum l. 5. Ethogra. p. 181. seq. vide.
Opposita sunt tenacitas, nimia parcitas & avaritia, ut ni-
hil egeratur, nec sibi homo, nec alijs commodet: & profusio,
nimia in alios egestio, ut nihil nobis retineamus: De his postea:

14. Fuit liberalitas respectivè quoad affines virtutes
spectata: Restat spectanda respectivè quoad opposita sua,
quibus repugnat. Opposita liberalitatis sunt excessus & de-
fectus: Et spectari possunt vel prout liberalitati opponuntur
absolutè, vel collativè, prout inter se conferuntur. Excessus
ejus est, cum nimium, quàm par est, usus opum exercetur. Di-
citur a sotia, profusio, prodigalitas. Nam liberalitas erat vir-
tus mediocritatem circa usum opum servare faciens, largien-
do vel accipiendo. t. 6. Ergò oppositum ejus excessivum
est vitium, usum illum immediocriter ad nimium deducens.
Si possessio opum spectetur, excessus potest dici avaritia & te-
nacitas: Si usurpatio, prodigalitas. Immediocritas hujus fit
& ratione subjeñi, cum datur illis, qui non sunt digni: & ra-
tione modi, cum illegitimo modo datur, ut tempore, loco, per-
sonis, non convenientibus: & ratione rei, cum datur id, quod
dari non debet; & ratione finis, cum datur sine incompetente,
ut luxus & ostentationis gratia. V. t. 6. Subjectum ejus fre-
quentius est juvenis, ob judicij imbecillitatem & affectuum
importunitatem: Rarius senex, ob natura melancholica con-
ditionem, & varia experientia comparisonem, quàm novit,
quid sibi necessarium ac ex usu sit, adeoq. potius non dando
peccat, quàm dando. Dividi potest in simplicem, quàm simpli-
citer tantùm bona propria imprudenter prodiguntur: & com-
plexam, quàm insuper injuria additur, alijsq. bona surripiantur,
ut in immeritos inutiliter prodigantur. Hac in hodiernâ
praxi

præci militari contributionum usitatur, ubi expilantur innocentes, ut abundant furia. Defectus est, cum minus, ac par est, opum usus exercetur. Dicitur avaritia, tenacitas. Dividi solet in tenacitatem, cum in dando deficitur, accipere moderatum manet, nihilq; aliundè rapitur: Quæstuositatem, cum turpi lucro undecunq; inhiatur. Huc usurarij, feneratores & sordidis opificijs addicti pertinent: & illiberalitatem, strictè dictam, cum & dando deficitur, & undecunq; nummus corraditur. Prodigum & parum complexus versu est Ouenus l. 3. ep. 65. Hic nisi post mortem veteri nil donat amico: Ille nihil, quod post funera donet, habet. Prouis collativè inter se extrema ista conferuntur, pejoritas unius præ alio attenditur. Ita avaritia pejor prodigalitate simplici aestimatur, quia plus à virtute recedit, nihil dare, quàm nimium dare: & difficilius corrigitur, quia senum est, quorum vitia difficulter corriguntur: & naturà homo magis propendet ad retinendum, quàm largiendam: & majus incommodum importat avarus, nulli benefaciens, nec sibi nec alijs, nisi quando moritur; & si publica rei admoveatur, omnia habens venalia, quomodo Roma periisset, si emptorem invenisset; & nullum officium tam sanctum sit, quod non contaminei avaritia. Cicer. pr. Quint. §. 26. Quàm prodigus, qui & privatim multos opibus juvat; & publicè prodesse aliquando potest. Et in sese avaritia omnium vitiorum gravissimum esse dicitur, quatenus facit, ut multa & ingentia peccata ex eâ enascantur, Vt inhumanitas, nimia sollicitudo, violentia, fallacia, dolus, mendacium, periurium, fraus, proditio, &c. Vnde radix omnium malorum dicitur. 1. Tim. 6. v. 10.

15. Visa est liberalitas cum vicinis virtutibus: Videnda jam est virtus cupiditatem honorum moderans, quæ modestia dicitur. Ea 1. in nomine spectanda, Et hoc 1. homo-

nymicè, ubi tropicè modestia quamvis remissionem rei notat. Ita Tacitus hyemis modestiam dixit, ut notavi dec. 1. d. 2. t. 16. propriè vel dispositionem & pudorem naturalem circa honores, quomodo pueros modestos vocamus: vel habitum appetitum moderantem. Hocq; vel impropriè & generaliter pro omni habitu res jucundas moderante, ut vestitum gestumq; corporis, Venerem, cibos, potus: Ita Zwingerus modestiam in temperantiâ, liberalitate, magnanimitate esse ait. Vol. 12. l. 1. p. 1775. vel propriè & specialiter pro habitu honores mediocres moderante. Ita hic sumitur. 2. Etymologicè, Ita Grammaticè à modo & modico dicitur, quia modum honorum statuit, & circa modicos seu mediocres occupatur. 3. Synonymicè, quomodo & humilitas, demissio, dicitur. Gracis proprio nomine caret. φιλοτιμία in culpandis est, & ambitioni magis respondet, non honestus. Germanis Demuht/ Niedrigkeit/ bescheidenheit.

16. 2. In re. Ita absolutè in definitione, objecto & divisione spectetur: & Respectivè in cognatione & oppositione.

17. Definitio sit: Modestia est virtus moralis directâ, mediocritatem prudentiæ honestatis gratiâ servare faciens in honoribus veris, debitis, & mediocribus.

18. Ex genere dicitur virtus moralis directâ. Hæc ex d. 3. t. 17. patet. Differentia à formali ratione versandæ & objecto proprio sumitur. Formalis ratio est, mediocritatem prudentiæ honestatis gratiâ servare facere. Mediocritas prudentiæ ex d. 3. t. 2. 14. servare facere ex disp. 5. t. 6. patet. Modestia mediocritatem prudentiæ servabit, & prudenter honores appetendo, velut secundum causæ & meriti dignitatem, & honoris proportionalem quantitatem, & modo competente, non ambitiosè aut impudenter honor appetatur: & acquirendo, ut legitimis medijs acquiratur, non vi, fraudibus, mendacijs, calum-

lumnijs, metu, crudelitate, largitionibus. Sic quidam mendacijs in clarissimas familias se inferere voluerunt. Valer. M. l. 9. c. 16. & admittendo oblatos competentes, respuendo incompetentes. Sic Alexander respuuit civitatem Corinthiorum, ut sibi non competentem, nisi ubi & Herculi datam esse audiret. Erasmi. l. 4. apop. in Alex. §. 65. Seneca l. 1. d. benef. c. 13. Sic Agesilaus divinos honores & templa Thasiorum contempsit, & seipsum primum Deos facere debere respondit. Erasmi. l. 1. apop. in Ages. §. 26. & acquiescendo, ut contenti simus, nec ultra modum & terminum honor appetatur, vel semper cogitetur: plus ultra: & defendendo ac conservando, ut legitimis medijs honor defendatur contra invidos, obrectatores, Sycophantas, quomodo vim vi legitimis modis repellere licet. Plerumq; enim invidiæ subjacet honor, quia sublime quid est, quod invidia, ut umbra corpus, sequi solet: & possidentes splendidos facit. At omne splendidum detractionibus obnoxium. Vnde pro vero honore servando adversus maledicos & maleficos etiam cum vita dispendio certare debet prudens. Ita Susanna mortis periculum subire potius, quàm pudicitiae honorem prostituere volebat. Possè autem Christiano honores licitè appeti & possideri contra Anabaptistas, Carladium, Enthusiastas, aliosq; negantes patet partim Scripturâ, 1. Reg. 3. v. 13. 1. Tim. 5. v. 3. 17. partim naturâ; velut quod honor primum virtutis sit; At virtutis primum licitè Christiano appetitur: quod virtutis sit medium, faciens, ut majore cultu eam prosequamur: Quod sit bona fama causa. At famam optimis quisq; mortalium desiderat. Tac. 4. ann. c. 5. Dices: Appetere honorem est appetere magnificeri ab alio. Sed hoc vetitum & Pharisaicum. Matth. 6. v. 1. Rom. 12. v. 16. R. Appetere magnificeri, si non merearis, est vitiosum & prohibitum: licitum, si merueris. Ita Scriptu-

ra meritos honorare jubet, Rom. 13. v. 7. 1. Pet. 2. v. 17. Et appetere magnificeri solius ostentationis gratiâ est Pharisaicum, Matth. 6. v. 1. 2. 6. Honestatis gratiâ, finem notat, ob quem medium circa honores servandum sit, ut honestas & decor moralis servetur. Virtus enim omnia sub honestatis formali agit & eligit. d. 3. c. 15.

19. *Ex objecto dicitur modestia medium servare circa honores debitos & mediocres. Objectum modestia est vel internum, quod in ipso modesto est, ut appetitus concupiscibilis honorum: vel externum, circa quod tractandum modestia occupatur. Hoc est honor. Sub quo quodvis honoris signum, ut vestitus, cultus, servi, convivium, edificia splendida, &c. comprehenditur. Spectandus hic autem honor est & indifferenter, prout à gradu exiguo vel eximio abstrahit; ita modestia & magnanimitatis objectum simul est: & determinatè, ut ad certum gradum contractus est, eximium, ita magnanimitati tantum obijcitur. Dicitur honor exiguus, comparatione magnanimitatis, in quâ honor sublimior est, quàm in modestiâ: aliàs absolutè honor est bonorum externorum maximum, ap. Aristot. 4. Nicom. c. 7. & s. 29. probl. q. 1. Spectari variè potest honor. Objectivè, quâ alicujus virtutis objectum est, circa cujus appetitum moderandum illa occupatur. Sic hic spectari potest cum primis. Effectivè, ut à virtute velut causâ & fundamento suo proximo dependet. Sic honor virtutis est præmium ex opinionè benefaciendi in honorato conceptâ in honorante concitatum. Ita honorati dici solet, non honorantis. Significativè, prout actione aliquâ honorariâ opinio benefactrix & affectus internus promitur, & honorato exhibetur. Ita honorantis dicitur, non honorati. Hoc signum plus minusvè in honorante esse potest, prout affectus & opinio de præstantiâ ac merito honorati sederit. Sic Christus*

Prophetam non honoratum in patriâ dicit. Matth. 13. v. 57. Et vulgò dicitur: Inter nemo suos facillè inclarescit amicos. In patriâ non est acceptus gente Propheta. Advena fama venit semper majoribûs alis: Vberior seges est peregrino semper ab agro, Externumq̃ pecus grandius uber habet. Pulchrè Ouenus l. 4. epig. 189. Rex extra patriam vel maximus haud habet ullum Imperium: in patriâ nemo propheta fidem. Causæ variæ esse possunt. Vel quòd à pueritiâ usq̃ oculis & conversationi objectum habuimus, eòq̃ vilius ducimus: vel quòd multi in vilitate parentum & familia hærent, & sic majorem virtutem in aliquo non agnoscunt aut aestimant. Sic Cicero ex Asiâ in Italiam reversus, domi nemo nomen meum, dixit, agnoscit, cum foris homines cælo illud adequaverint: Vel quòd pravitate natura quidã vitia magis notant in indigenis, quàm virtutes; Vel alijs de causis, de quib. plura ap. Junium p. I. qu. Pol. q. 15. Godlen. qu. Eth. 80. aliosq̃ vide. Prout hîc spectatur, potest officium virtuti debitum meritum ejus repræsentans definiri, cum Scalig. ex. 317. s. 3. De ejus naturâ & conditionibus plura queri solent. Velut: an & habituum intellectuum sit premium honor, an solum moralium? Cujus virtutis moralis in primis sit premium, an beneficentia, & cur? Quid differat à laude, famâ, gloriâ, encomio? An & personis privatis competat, an publicis tantum? An gradus admittat & quales? An & pueris & defunctis conveniat? An bonum sit dignum laude, an honore? An & à pravis exhiberi queat? An magis de tribuendo honore, an accipiendo debeamus cogitare? An vita, an honoris major sit habenda ratio? Hæc & similia disceptantem Vide Piccolomin. gr. 8. c. 25. 26. seq. Timplerum l. 2. Eth. c. 6. Velstenium dec. 8. Eth. q. 2. 3. 4. seq. aliosq̃.

20, Fuit definitio & objectum modestiæ: sequitur di-

Ff

visio

visio. Ita modestia ex objectis vel circa honorem ipsum esse potest, vel ejus signa & consequentia. Circa honorem ipsum est, cum officium & dignitas non ultra modum appetitur. Exempla ejus multa digressi Zuingerus vol. 9. l. 2. theat. Circa honoris signa est, cum signa ejus non ultra modum appetuntur. Ut vestitus, ornamenta, convivium, triumphus, privilegia, statuae, salutationes, incurvationes aut honorum exhibitiones, &c. Exempla Idem c. l. & vol. 8. l. i. Drexelius l. 3. Trism. Christ. c. 8. 9. & Melander F. i. jocos. c. 311. seq. suggerunt. Jonstonus moderationem vestium ad temperantiam retulit l. 3. Eth. c. 2. m. i. Et interdum latius sumitur vox temperantiae. Ita Scaliger l. 3. Poet. c. i. nullis rationibus eam à quapiam virtute distinctam esse ait, sed matrem & normam ceterarum omnium. Temperat n. medium inter extrema: & fortitudinē, liberalitatem, justitiam, &c. per hanc esse id, quod sint. Conf. d. 5. t. 3. Sed rectius ad modestiam refertur, cui prior est, quam temperantia Philosophicè dicta. Ex gradibus modestia vel communis esse potest, vel singularis. Communis, quae in gradu usitato consistit, & absolutè modestia vocatur. Singularis, quae in gradu eximio, & magnanimitas dicitur. Haec interdum sumitur generaliter pro quavis virtute circa summa & ardua versante, quomodo & fortitudo & magnificentia magnanimitas vocantur: Ita Scaliger c. l. c. ii. fortitudinis vel speciem vel perfectionem eam vocat, & virtutem dicit, quae nihil sordidi vel probet, vel patiat: interdum specialiter pro virtute circa honores ingentes occupata, Ita hic sumitur. Dicitur à magnitudine animi, notatq. extensionem animi ad magna & objectivè, ut objecta sint magna: & extensivè vel effectivè, ut modus versandi & actus circa illa sint magna. Graecis μεγαλοψυχία, Germanis, herrlichkeit / großmütigkeit / vocatur. Definitur virtus moralis distincta, circa ma-
gnos

gnos honores appetendos & servandos mediocritatem prudentiæ servare faciens. *Dicitur virtus moralis, nam definitio virtutis d. 3. t. 4. tradita ei competit. Negat esse virtutem* Gualandus l. 10. Eth. c. 7. ap. Kecker. d. 24. *Curs. Ph. q. 7. quod tam loedere possit, quam juvare: & in præstantioribus virtutibus excessus quidam tam in bonam quam malam partem censenda sit. Vttersius id probari posset, quod humilitati Christianæ contrarietur. Virtus a. virtuti non contrariari debet: Et quod circa magna versari dicatur, cum virtus medium servare debeat. Primum confundit accidentalibus cum essentialibus. Per se magnanimitas juvat, & in bonam partem intendit: per accidens loedit, & in malam deflectit. Secundum t. 22. patebit. Tertium ex d. 3. t. 9. 10. patet. Dicitur vir: distincta, quia partim à modestiâ & reliquis virtutibus moralibus differre, ut t. 21. dicitur: partim à virtute heroicâ, de quo d. 9. agitur. Mediocritatem prudentia servare faciens, nam in eo formalis versandi ratio magnanimitatis consistit, ut habeatur ratio appetendi & conservandi honores amplios. Magnanimitas facit honores factis & statui publico proportionatos moderatè appetere, juxta illud: Aut virtus nomen inane est: aut decus & pretium rectè petit experiens* Vir. Hora. l. 1. ep. 17. prudenter ab honoratis & magnis acceptare; nam ab infamibus & vilibus honorem accipere est infamia consortium admittere: sapienter contra detractores defendere, & ab injurijs gravibus asserere: Leviores & non famosas injurias contemnere & interdum ridere; fonticas & famosas leonis instar persequi, qui discerpit, cum prostrare non sufficit. In munere publico dignitatem sui status servat. Sic Fabius Gurges Consul patrem equo jussit descendere pro majestate officij, & peditem ad se venire. Plutar. in Fab. Max. & in publica processu digniore locum, etiam filius supra patrem, sibi as-

seret. In fortitudine honestis & necessarijs periculis se obijcit: largiendo promptus ampliusq; est magnificus: accipiendo tardus ac in-
 vitus: Benefacta non opprobrat, nisi notando ingratiitudinē ho-
 minū: accepta non magnū aestimat, & potius remunerare cogi-
 tat: Nihil admiratur, ut insolitum: nihil stupet, ut magnope-
 rē supra se positum. In justitiā opes non captat, nec earum gra-
 tiā ulli injuriā infert: In conversando personarum ratio-
 nem servat, moribus, sermone, cultu, gravis & verendus:
 Laconismo amicus, ut n. strictus gravisq; est, & est in illo
 quadam magnanimitas, ut Bartholin. c. ult. Rhetor: loqui-
 tur: omnibus simul suavis: In vero apertus & sincerus, nihil
 metuens, quod facit, qui dissimulat. Non mutata quies pro-
 bitasque secundis Intumuit tumoridem animo, mores-
 que modesti fortunā crescente manent, *Ve de illo canit*
 Statius d. Priscill. Plurib. *hæc deducit* Aristot. 4. Nicom. c.
 3. Kecker. l. 2. Eth. c. 3. Danæus l. 3. Eth. Chr. c. 2. *quadam*
ut falsa hic reprehendit. *Ve quod magnanimus alios contem-*
nat, nihil admiretur, benefacta nec aestimet nec recordetur,
sua libenter laudari audiat, Ironicus sit, magnis se dignum
aestimet. Sed distinguenda hic sunt absoluta à comparatis.
Absolutè nihil horum facit magnanimus: sed comparatè, ha-
bitā ratione donorum suorum, status, loci, personarum, vir-
tutis excellentis, officij, vilitatis, aut novitatis, aut igno-
rantia, remunerationis, & ad ultra benefaciendum invita-
tionis, &c. Pluribus hic Lessius l. 3. d. just. c. 2. d. 2. & Kes-
lerus fas. disp. d. 2. q. 6. videantur.

21. Ex objecto dicitur, mediocritatem circa honores
 magnos appetendos & servandos servans. Objectum magna-
 nimitatis est honor magnus debitusque, sicut modestia ho-
 nor velis & mediocris. Materiale objectum utriusq; virtutis
 idem est, honor: sed hoc diversis modis in utraq; afficitur, ut
 for-

formale objecti pendè sit diversum, & sic fermè specificum discrimen utriusq; si per analogiam & extra rigorem terminus sumatur, inducat, quomodo & de magnificentia dictum, t. II. Quae enim virtutes circa objecta diversis formalibus & modis determinata versantur, specie differre dici possunt, etsi materialia objecta sint eadem. Sic circa bona externa versatur & justitia & liberalitas, sed diversis modis: Illa, ut juste distribuatur: haec, ut largiendo communicentur. Ita modestia objectum est honor, quàm mediocris: magnanimitatis, honor, quàm insignis. Illius subjectum est quivis privatus, modicus, etiam foemina: Hujus publicus, amplius, eminens, comprimis mas: Illius affectus est mediocris & exiguus: hujus eximius, splendidus & insignis: Illa sermonem, vestitum, gestum, &c. demissum & sedatum requirit: Haec gravem, splendidum, majestate ac dignitate plenum. Illa fundamentum habet meritum tenue, privatum, & exiguum: Haec ingens, publicum, & Reip: utile, honore laudèq; dignissimum. Dices: Si ita ex objecto magno & parvo distinguitur magnanimitas à modestiâ, Cur non & temperantia sic distinguitur, ut alia circa magnas, alia circa parvas voluptates versetur: & mansuetudo, ut alia circa magnam iram, alia circa parvam: & fortitudo, ut alia circa magna pericula, alia circa parva versari dicatur? Sufficiens etiam in his virtutibus distinguendi fundamentum esset, si magnum & parvum distinctas virtutes introducant. R. I. Magnanimi. & modestia non tantum ob honorem parvum & magnum distinguuntur, sed & ob rationem subjecti publici & privati, effectus publici & privati, modorum agendi diversorum, & aliorum, quae simul concurrunt, & non in temperantiâ aut fortitudine inveniuntur. 2. In temperantiâ, mansuetudine & fortitudine id tantum objectum est, quod magnum est, alicujus momenti, & notabiliter afficiens: Parva enim

voluptas, ira, aut adversitas notabiliter subiectum non afficiunt, unde virtute, quâ ad medium revocentur, non indigent: Et sic temperantia parva a. magna ab objecto esse nequit, Quia ejus objectum tantum voluptas notabilis est: Sic fortitudo circa insigniora pericula versatur: levia propulsare tolerantia potest, non peculiari virtute eget: sed in appetitu externorum bonorum, ut honoris & pecunia, & parva objecta, & ingentia vehementer appeti possunt, unde utrisq; virtus modum præfigens danda est, Cum circa utrumq; objectum notabiliter appetitus deviare queat. Hinc liberalitati addenda magnificentia, modestia magnanimitas. Non ita in temperantia, mansuetudinis aut fortitudinis objecto erat. Conf. Thomam sec. 2. q. 129. a. 2. Cumq; objectum magnanimi speciale detur, honor magnus; etiam ipsa virtus specialis erit circa tale objectum occupata, & sic distincta erit ab omnibus reliquis virtutibus moralibus. Interdum generale omnium ornamentum dicitur, quod magno modo universas extollat, earumq; apex & fastigium sit. Quomodo generalem vocant, ut prudentia generalis & specialis sit, quâ ratione explicat Keslerus dis. d. mag. q. 2. Sed multum hic discriminis est. Prudentia non est generalis, ut ornamentum cæterarum, sed ut directorium, d. 3. t. 17. Differunt a. ornamentum rei, & dirigentem esse. Nec ut justitia Universalis generalis dicitur, ut Idem ex Kecker: illustrat: Nam & hæc ut directrix est, non ornatrix: & cæterarum virtutum ad certum respectum ordinatrix, non exornatrix. d. 4. t. 6. 7. Sed magnanimitas generalis dici potest, si vocem largè usurpes. V. t. 20. Non, si strictè & Philosophicè. Exempla magnanimorum ap. Zvinger. Vol. 9. l. 2. vide. An Christus possit dici magnanimus, hic quæri solet? Negat id Scaliger in Poëticis, ap. Taubman. in cul. Virg. v. 354. Sensu morali non potest: sed eminentius quid fuit magnanimo morali. Non sibi

sibi viuentes per actus acquirere necessum habuit: sed infusus, & per unionem ad Deum eminentiores moralibus habuit. Neg. in ipso opposita moralia locum habere ullâ ratione potuerunt. quod alias in virtuosos hominib. in vitia degenerantibus fieri potest. Fuit n. sanctus sanctorum. Dan. 9. v. 24.

22. Oppositum magnanimitatis vel apparens est, vel verum. Apparens est Christiana humilitas, quam magnanimitati opponunt Anabaptista, & honores licet à Christiano appeti aut accipi posse negant. Quod Scriptura humilitatem commendat. Sirac. 3. v. 20. pueris nos assimilari jubeat. Matt. 18. v. 3. At illi nec honores cupiant, nec aliquid de se sentiant: Exemplum Christi proponat. qui etsi in formâ DEI esset, formam servi assumpserit. Phil. 2. v. 6. Vetet magnâ appetere. Rom. 12. v. 16. Omnes coram DEO pares faciat, peccatores. Rom. 3. v. 23. Veter titulos honoratos dari, aut assumere. Matt. 23. v. 8. Contrarium t. 18. est ostensum. Ad dicta Scriptura solvenda notetur. 1. Magnanimum spectari vel in se suisq. viribus, prout privatum & Christianum in foro poli & spirituali: Sic ratione defectuū & peccatorum humilis & demissus esse debet: vel ut publicum, & in foro politico ad alios inferiores comparatum, varijsq. donis DEI instructum: Ita ob virtutis eminentiam dignum se magno honore judicare, eumq. moderate appetere & recipere potest. Hic valet paradoxon, quo dicitur: Summè humilis potest esse summè magnanimus. V. Lessium l. 4. de just. c. 4. n. 51. 2. Sublime interdum in sacris notare nimium, superbum, & incompetens statui: sic sublimis oculos odisse dicitur Deus. Prov. 6. v. 17. sublimem animum David. Psal. 101. v. 5. Ita Christianus sublimia nec appetere nec recipere potest: Interdum excellens, sed competens. Ita DEUS ipse sublimia promisi pps, & prastitit. Deut. 28. v. 1. 1. Reg. 3. v. 13. Humilitatis oppositum est Superbia, qua à quo-

quovis vitanda: non magnanimitas, quæ à competentibus appetenda.


23. *Verum oppositum vel excessus est, vel defectus. Excessus, qui modum in magnis honorib. ejusvè signis appetendis excedit. Dicitur factus, fastuositas, & superbia. Ejus effectus sunt ostentatio & jactantia in verbis, affectatio in gestibus, pompositas in sermone, cultus nimius in vestitu, contemptus in judicio. Sic Casar nimios honores suscepit, consulatum continuum, dictaturam perpetuam, &c. Sveton. in Cæs. §. 76. Et Domitianus cum procuratorum nomine formalem epistolam dictaret, præscripsit: Dominus & Deus noster sic fieri jubet. Statuas aureas & argenteas sibi poni voluit. Svet. in Dom. §. 13. Exempla horum plura ap. Zvingerum Vol. 8. l. 5. & vol. 9. l. 4. Drexelium c. l. c. 7. quaras. Ex speciebus fastus vel rusticus dici potest, qui cum incivilitate junctus est, Pavorstolz: vel aulicus, qui cum civilitate. Hoffstolz/ Jungfersstolz. Defectus, qui in modo honorem appetendi aut servandi deficit. Dicitur pusillanimitas & dejectio animi. Estq; vel vera, cum ex animo honor etiam meritis respuitur. Hoc peccatum offendit DEum, cujus dona non agnoscuntur: virtutem, quæ debito præmio exarmatur: seipsum, cujus sinistra suspicio alijs conciliatur. Exempla Zvinger. vol. 9. l. 2. refert: vel simulata, cum in speciem honores respuuntur, animo appetuntur. Ejus exemplum est Tiberius. Sveton. Tib. §. 24. 25. Comparata inter se hæc vitia, excessus & defectus, utrum pejus sit, quæri solet? Quadantenus pusillanimitas deterior dicitur, ab finem, quod hominem prorsus Reipub: inutilem faciat; Superbia quadantenus utilem relinquat. Sed Superbia deterior est ob originem, quia à Diabolo: cum pusillanimitas à natura vitio esse queat: & motionem, quia ad valida, varia, & noxia impellit, ut largitiones, factiones, seditiones, bella, regno-*

rum & urbium everfiones, cum pusillanimitas quietum præstet, & cogitantem: dñe bñdica, latenter vivendum.

24. Ita modestia ex definitione, divisione, gradibus & absolute spectata: Respective cum oppositis sibi vitijs spectanda est. Ea vel excessus sunt, vel defectus. Excessus, cum honores aut sine fundamento, virtute, aut nimij, quàm virtutibus modicis debentur, ambiuntur. Dicitur ambitio. Quæ esca est, quam capere conantes pleriq; capiti percunt. Sic Pyrius Italiam, Lybiam, Graciam, Siciliam, vastare cogitans, in obsidione urbis alicujus saxo percussus obiit. Casus l. 4. Rth. c. 4. Sine fundamento, sic Herostratus ex Dianæ templo incenso gloriam sperabat. Zving. vol. 18. l. 9. Nimij, Sic Caesar nimios honores suis virtutibus recipiebat. Sveton. Cæs. §. 76. Hic illud cogitandū: Quantò superiores sumus, tantò submissius nos geramus. Cicero 1. offic. §. 90. Et illud: Metiri se quemq; suo modulo ac pede verum est. Hor. l. 1. ep. 7. Huc pertinent, qui modum in vestimentis excedunt, aut formam a. materiam eorum ultra debitum extendendo. De quibus Manlium p. 341. seq. vide. Defectus, cum honores debiti & officium vel merita decentes respuuntur. Hoc vel verè, estq; animi levitas & dejectio, qualis in Diogene, qui se canem appellabat: sordideq; vivebat. Laërt. l. 6. vel affectatè, cum nimis dejectè quis sua extenuat, & honores detestatur. Ita Caroloſtadius titulos Doctoris rejciebat, & Nachbar Andreß vocari volebat. D. Hunnius d. error. Anab. th. 64. Huc pertinet, cum nimis humaniter decentem locum, gradum, honorem, excusamus & non admittimus. Præter virtutem utrumq; est. Superiorem te locum a. statum insolens est affectare: & te decentem respuere aut nimis fastidiosè rejcere, ineptum est. Ita in aulâ Bavaricâ quidam inter hospites sedem jussus occupare diu multumq; renuit. Ad ultimum Mareſchallus aula: Quaſo te, baculum meum capeſſe, & te unâ cum me

collocato pro arbitrio tuo. Ita obsequentem experieris. Hæc de liberalitate & modestiâ, cognatisq; virtutibus dicta sufficiant.
Adjectaneum.

Mariam Magdalenam, *cujus mentio* Luc. 8. v. 2. & Joh. 11. v. 2. *est, peccatricem illam apud* Lucam c. 7. v. 37. *esse. Possillatoribus alijsq; vulgatum est. Sed conjectura incerta admodum est, nulloq; liquido fundamento nixa. Maria Magdalena demoniaca fuit.* Luc. 8. v. 2. *Hæc peccatrix tantum vocatur. Illa semper determinatè Maria dicitur: hæc tantum mulier indefinitè. Vnctio Maria in Judæâ contigit, in Bethaniâ.* Joh. 12. v. 3. & *ipsa Maria Judæa fuit.* Joh. 11. v. 1. *Vnctio peccatricis in Galilæâ contigit, & ipsa mulier Galilæa fuit.* Luc. 7. v. 37. *Vnctio Maria paucis ante passionem diebus facta.* Matth. 26. v. 7. Joh. 12. v. 1. 3. *Vnctio peccatricis diu ante passionem, ut ordo narrationum in Lucâ docet.* Maldonatus in c. 26. Matth. v. 6. *ad tacitum Ecclesiæ sensum confugit, & quòd* Ioh. 11. v. 2. *Maria ita describatur, quòd unxerit Dominum. Quod fieri non posset, si & alia mulier unxisset.* Toletus in c. 11. Ioh. v. 1. & Baronius in ann. ad ann: Chr. 32. n. 17. *similiter ad declarationem Ecclesiæ Romana confugiunt. Sed hæc vilia sunt, Et nodum non solvunt, sed secant. Ecclesia non potest id, quod per se falsum est, suâ declaratione verum reddere. Et unde probabitur, Iohannem c. 11. v. 2. accuratam descriptionem mulieris peccatricis apud Lucam tradere voluisse? Aut lectorem incertum dimitti, nisi Maria Iohannis præcisè sit hæc peccatrix Lucæ? Satis vnctricem determinat Ioannes, cum Mariam vocat, sororè Marthæ & Lazari, à pietate describit, etiamsi hæc peccatrix non præcisè fuerit. Ex postfacto ita eam per anticipationem describit, non quid jam fecerit, dicens, sed quid factura postea sit.* c. 12. v. 3. *Quo narrandi more nihil apud Evangelistas usitatus. Nec id satis sequitur: Si ab unctione describitur Maria, nullâ aliam præter eam unxisse oportuit. Perinde ac si Nicodemum ab unctione Christi describas.* Ioh. 19. v. 39. & *inde Iosephum aut mulieres excludere velis.* v. 40. *Aut Ulysses, quòd multorum regiones viderit & vrbes, indequè solum talia vidisse inferre velis. Ita nullâ parte ista opinio sibi constat.*

itini
ere
and
re.
li-
to:
are,

no-
r li
pe-
"

